

Ilisimatusarfimmi ilinniartunik siunnersuisartutut atorfik

Ilinniartunik ikiuerusuttuut? Ilisimatusarfimmi ilinniartuuneq pitsaasoq qaffassarusuppiuk? Suleqatit pitsaasut, ulluinnaq allanngorarteq, allanngueqataasinnaaneq namminerlu sunniuteqarsinnaaneq pingaartippigit – aap, taava atorfik ilinnoorluinnarteq pigaarput. Ilisimatusarfimmi ilinniartunik sullissivik ilinniartunik siunnersuisartussamik maannangaaq ujaasivugut. Atorfik sapaatip akunneranut 40 tiimit suliffiuvoq.

Ilinniartunut siunnersuisarfik pillugu:

Ilinniartunik Sullissivimmi ilinniartunut 600-t missaanniittunut ilinniarfinni aqqaneq marlunni agguataarsimasunut sullissisut suleqatigiit aqqaneq marluuvugut. Ilinniartunut Sullissivik Ilisimatusarfiup allattoqarfiata ataaniippoq suliffeqarfimmi pingaarutilerujussuuvog ilinniartunik, ilinniartitsisunik, suleqatinik, innuttaasunik suleqatigisartakkanillu tapersersuiffiusog. Pingaaruteqarpoq illit inunnut assigiinngitsorpasuarnut attaveqartartussatut ÷ aammattaarli pingaarnertut ilinniartut pillugit maaniittutut – imminut isiginissat - ilinniartullu ikiorneqartariaqaraangata piareersimasarpugut.

Atorfik pillugu

Suliassaq pingaarnerpaaq tassaavog Ilisimatusarfimmi ilinniartunik inuttut paasisimasalitullu immikkoortortani pisortat massakkullu ilinniartunik sullissivimmiut suleqatigalugit siunnersuisarnissaq. Siunnersuisartut ilinniartunik tamanik attaveqartuummata oqaatsit pingasut atorsinnaanissai pingaaruteqarpoq, Ilisimatusarfimmi nunanit tamalaaniit ilinniarfiummat, nunanit allaneersunit ilinniartoqarluni. Taamaakkaluartog ilinniartut amerlanersaat kalaallisut oqaaseqartuupput, taamaattumik pingaaruteqarpoq siunnersuisartog kalaallisut oqalussinnaanissaa, aammalu ilinniartoqarmat qallunaatut allamiutullu oqaaseqartunik taamaattumik piumasaqaataavog qallunaatut tuluttullu aamma oqaaseqarnissaq. Ilinniartunut siunnersuisartussaq Ilinniartunut siunnersuisarfiup sulisuinut ilaavog, pisariaqartitsisoqartillugulu suliassanut assigiinngitsunut suleqataasassaaq.

Ilinniartunik siunnersuinemik suliarnut ilaapput:

- Ilinniartunik ataasiakkaanik, eqimattakkaanik ataatsikkullu arlalinnik siunnersuisarneq
- Sullivissatut periarfissat pillugit ilinniartunik aqqutissiuineq
- Qinnuteqartunut siunnersuisarfinnullu ilinniakkat pillugit qaammarsaallunilu siunnersuineq
- Ilinniakkanik ingerlariaqqiffiusunik, inuussutissarsiorfiusunik soqutigisaqaqatinillu suleqateqarneq
- Soraarummeernerminni annilaanganeq atuariaatsillu il.il. pillugit ilinniartunut saqqummiussaqaqartarneq workshoppertitsisarnerlu
- Immikkoortortat akimorlugit assigiinngitsunik suliqaqatigiissitsineq ilinniakkamik naammassinnittartut procentiinik qaffassajumalluni Ilisimatusarfimmilu ilinniartunik atugarissaarnerulersitsiumalluni
- Pisariaqartitsisoqartillugu suliassanut assigiinngitsunut suleqataaneq

Neqeroorutigaaqut:

- Suliqaqarfiup iluani suliatigut isumasioqatigiinnikkut ineriartornissamik periarfissarissaarneq, superviseerneqarnikkut pikkorissarnikkullu ilisimasanik qaffassaanissamut periarfissat pitsaasut
- Suliffeqarfik Ilisimatusarfimmi ilinniartunut allanngueqataaffiusinnaasoq
- Suliffeqarfik sulisut avatangiisaata pitsaasuunissaannik pingaartitsilluinnartog
- Suleqatigiitsialaat pikkorissut tunniusimasullu
- Avataanit suleqatigisanik superviseerertissinnaaneq

Ujartorpatsigit illit...

- Isumaginninnermut Siunnersortitut assigisaanilluunniit ilinniagaqarputit saniatigut VGU-mut ilinniaqqissimasoq imaluunniit VGU-mi qaffasinnerusumik ilinniagaqartoq
- Ilinniartunik sullissinermik aammalu assingusumik misilittagaqarneq iluaqutaassaaq
- Ilitsoqqussatut kalaallisut oqaasilik kiisalu qallunaat tuluillu oqaasiinik piginnaasalik, sullissineq siunnersuinerlu oqaatsit pingasut oqaluttarissatigut allattarissatigullu ingerlasarmat
- Inuiaqatigiinnik kalaallinik kalaallillu kulturiannik ilisimasalik. Inuusuttunik inersimasunillu ilinniartunik ikiuerusussusilik pitsaasumillu allanngueqataanissamut piumassusilik
- Aallarnisaasoq allanullu sunniuteqarluarusuttoq aamma sukasaalluarsinnaasoq
- Sammisat akimorlugit suleqatigiinnissamut piumassusilik piginnaasalillu
- Ilisimatusarfimmi immikkoortortanik allanittaaq suleqateqarnissap pingaarutaanik paasinnittoq
- Inoqatinut akuliusimasoq tamatumunngalu piginnaasalik
- Sulianut pitsaasumik tunniusimasoq, nammineerluarsinnaasoq akisussaassuseqartorlu
- Inatsisinut suliamut naleqquttunut paasinnilluarsinnaasoq, allaffissornikkut ingerlatsilluarsinnaasoq naleqquttumillu aalajangiisinnaassuseqartoq

Suliamut ilaavoq inunnut assigiinngitsorpassuarnut attaveqartarneq. Taamaattumik inoqatinut ammasuussaatit, attaveqarniarlutit iliuuseqartartuussallutit inunnullu allanut attaveqallaqqissuussallutit, oqaatsitigullu piginnaasaqarluartuussallutit.

Suliaq inuppassuarnik oqaloqateqarfiusarpoq – aamma ilinniartut ilinniakkaminut atugaannut tunngassutilinnik, inuttullu atukkamik sorsuutigisaannik imaannaanngitsunik oqaloqateqartarfiuvortaaq, ilinniarnermut kingunerluutaasinnaasunik. Amerlasuutigut ilinniartunit imaannaanngitsorsioertunit siullertut attavigineqartassaatit. Taamaattumik nukittusariaqarlutillu pimoorussisuusariaqarputit, aammali ajornartorsiutinik aaqkeerussuseqartuussaatit minnerunngitsumillu maligassiuisuussallutit ilinniartunit toqqissisimaffiulluni oqaloqatigineqarsinnaasoq. Siunnersuinermut tunngatillugu pilersaarutinik malinnittoqartuaannarsinnaannginneranik paasinnittuuvugut. Taamaattumik akornuserneqakulasarneq sulininni atukkatut iluaralugulu ulluinnarsinnaasariaqarpat.

Qinnuteqaat

Ilinniartunut siunnersuisutut qinnuteqarnissavit saniatigut ataani allassimasut aamma qinnuteqaammi ilaassasut piumasarineqarput:

Ilanngussaq 1: Curriculum Vitae

Ilanngussaq 2: Ilinniarsimanermut uppernarsaatit

Ilanngussaq 3: Inunnut pingasut angullugit amerlassusilinnut paasissutissanik aallerfiusinnaasunut attaveqaatinut paasissutissat

Atorfinitsinerup ingerlanneqartarnera

Qinnuteqaatit tiguneqartut tamarmik atorfinitsinerumut ataatsimiititaliamit suliarineqassapput.

Attavigisassat/ paasissutissat

Atorfik pillugu sukumiinerusunik paasisaqarusukkuut, tikilluaqquneqarputit Ilinniartunik Sullissiviup pisortaa Rosa Lynge Lorentzen paasiniaavigissallugu oqarasuaammut: +299 347315-imut.

Ilisimatusarfik pillugu paasisaqarnerorusukkuut uani paasisaqarnerusinnaavutit www.uni.gl.

Ilisimatusarfik pillugu

Ilisimatusarfik 1987-imi pilersinneqarpoq. Maannakuugallartoq ilinniarneqarsinnaasut assigiinngitsut 13-upput, taamatuttaaq Ilisimatusarfiup neqeroortigai diplom-imut masterimullu saniatigut ilinniarnert. Ilisimatusarfik issittumi universitetiuvooq nunarsuup ilaani pilertortumik ineriartorfiusumi nutaanik ilisimasaqalerfiusoq nutaaliorfiusorlu. Siulersuisut tassaapput Ilisimatusarfiup qullersai. Ulluinnarni aqutsineq rektorimit

direktørimillu ingerlanneqarpoq. Instituttit sisamaasut Instituttini Siunnersuisoqatigiinnit siunnersorneqartumik siulersorneqarput.

Ilisimatusarfik sisamanik instituteqarpoq:

- Ilinniartitsinermik Ilisimatusarfik*
- Inuiaqatigiilerinermik, Aningaasaqarnermik Tusagassiornermillu Ilisimatusarfik*
- Kulturimik, Oqaatsinik Oqaluttuarisaanermillu Ilisimatusarfik*
- Peqqissaanermik Pinngortitamillu Ilisimatusarfik*

Allaffissornikkut aqutsisoqatigiiffik pillugu

Allaffissornikkut aqutsisoqatigiiffiup ilisimatusarfik tamakkerlugu sullitaraa. Ilisimatusarfiup direktørianit aquunneqarpoq. Allaffissornikkut aqutsisoqatigiiffik Ilimmarfimmi immikkoortortaqaarpoq. Immikkoortortat ilinniartitsivinni ingerlatsiviusunik qanimut suleqateqartarput soorlu namminneq akunnerminni aamma suleqatigiittartut.

Allaffissornikkut aqutsisoqatigiiffimmi suliassat tassaapput: ilinniartut pillugit-, sulisut pillugit allaffissornikkut aqutsineq, Siulersuisunik, Akademisk Rådimik kiisalu ilimmarfimmi sulisunik ilinniartunillu sullissineq. Allaffissornikkut aqutsisoqatigiiffiup Ilimmarfiup illutaanik sanaartornermik nakkutiginninneq aamma ingerlataraa.

Aningaasarsiatigut atorfinitsitaanermilu atugassarititaasut

Akissarsiat atorfininnermilu atugassarititaasut, tassunga ilanngullugit atorfinitsitaanermi soraanermilu angalanissamut akiliunneqarnissamut pisattallu nassiunneqarnerannut Kalaallit Nunaanni Namminersorlutik Oqartussat kattuffiullu isumaqatiginniaarsinnaatitaasup attuumassuteqarfigisap akornanni isumaqatigiissutaasut atorfininnerup nalaani atuuttut naapertorlugit ingerlanneqassapput.

Najugaq

Atorfimmut atatillugu sulisunut inissiamik innersuussisoqarsinnaanngilaq. Qinnuteqartoq Namminersorlutik Oqartussani atorfeqarnermini sulisutut ineqartinneqareersimaguni sulisutut ineqarsinnaatitaanini tigummiinnarsinnaavaa. Atorfimmut atatillugu ini atorfeqarnermut tunngavoq, taamaalilluni atorfeqarnerup unitsinnerani qimanneqassalluni.

Qaammatini pingasuni misiliilluni atorfeqarneq

Uani atorfimmi qaammatini pingasuni misiliilluni atorfinitsitsisoqassaaq. Qinnuteqaatit, CV, ilinniarsimasanut pikkorissaatigisimasanullu uppersaasatit kiisalu paasissutissat allat pisariaqarsinnaasut "qinnuteqaat nassiuguk" toorlugu nassiutikkit. E-mail-ikkut qinnuteqaatinik tigusineq ajorpugut.